

ხელშეკრულება

იურიდიული კლინიკური განათლების მიღების შესახებ

ქ.თბილისი

11 ივნისი 2016წ.

ჩვენ, აღნიშნული ხელშეკრულების მხარეები: ერთის მხრივ ა.(ა).ი.პ. „სამართლებრივი დამახარებისა და საზოგადოებრივი ჩართულობის მუნიციპალური ცენტრი“-ს დირექტორის მარინა ბერაძის სახით (შემდგომში - იურიდიული კლინიკა - „ჩემი ადვოკატი“) და მეორეს მხრივ, შპს თბილისის ჰუმანიტარული სასწავლო უნივერსიტეტის (შემდგომში „უნივერსიტეტი“) პრორექტორის კახი ყურაშვილის სახით, ორივე მხარე ერთად წოდებული როგორც „მხარეები“, ვდებთ წინამდებარე ხელშეკრულებას შემდეგზე:

1. ხელშეკრულების საგანი:

- 1.1 წინამდებარე ხელშეკრულებით იურიდიული კლინიკა - „ჩემი ადვოკატი“ განსაზღვრული პროგრამის/სილაბუსის (ამავე ხელშეკრულების დანართი №1) შესაბამისად მომსახურებას უწევს „უნივერსიტეტს“ მის მიერ წარგზავნილ სტუდენტებს, ხოლო „უნივერსიტეტი“ იხდის შეთანხმებულ საზღაურს.

2. ხელშეკრულების მოქმედების ვადა და პირობები

- 2.1 პროგრამის სახელწოდება: იურიდიული კლინიკა (პრაქტიკული კურსი სამართლის საბაკალავრო და სამაგისტრო პროგრამის სტუდენტებისათვის).
- 2.2 პრაქტიკული კურსის ხანგრძლივობა, დაწყებისა და დასრულების ვადები ემთხვევა უნივერსიტეტის შესაბამისი სასწავლო სემესტრის ვადებს.
- 2.3 პროგრამის აღწერა: პროგრამის ფარგლებში დაგეგმილი ღონისძიებები მიმართულია სამართლის საბაკალავრო და სამაგისტრო პროგრამის სტუდენტების პრაქტიკულ საადვოკატო საქმიანობაში ჩართვისა და მათთვის შესაბამისი პროფესიული უნარ-ჩვევების გამომუშავებისაკენ. პროგრამის სტუდენტებს მიეცემა საშუალება კლინიკური ცენტრის მართვის ქვეშ არსებულ, სამართლებრივი დახმარების ოფისებში (რაიონულ გამგეობებში) მიიღონ პრაქტიკული უნარების განვითარების შესაძლებლობა და სწორად შეაფასონ საკუთარი უნარები. გავლილი პრაქტიკა სტუდენტებს უდიარდებათ 10 ECTS-ად;
- 2.4 ხელშეკრულებას თან ერთვის სილაბუსი (დანართი №1), რომელიც განსაზღვრავს პროგრამის დეტალებს და წარმოადგენს ხელშეკრულების განუყოფელ ნაწილს. შეფასების კრიტერიუმები გაწერილია სილაბუსით. კრედიტების მინიჭება ხდება სილაბუსის მიხედვით 51% წარმატებით დაძლევის შემთხვევაში.
- 2.5 თითოეული პრაქტიკული კურსის (სასწავლო სემესტრის) დასრულებისას „მხარეებს“ შორის ფორმდება მიღება-ჩაბარების აქტი გაწეული მომსახურების შესახებ.
- 2.6 წინამდებარე ხელშეკრულება ძალაში შედის მხარეთა მიერ მისი ხელმოწერისთანავე და მოქმედებს 2 წლის ვადით.

3. მხარეთა უფლებები და მოვალეობები

3.1 იურიდიული კლინიკა - „ჩემი ადვოკატი“ ვალდებულია:

- 3.1.1 გაატაროს სასწავლო პრაქტიკა სამართლის სკოლის სტუდენტებს ერთი სემესტრის განმავლობაში;
- 3.1.2 სტუდენტებს გამოუყოს კვალიფიციური ზედამხედველი ადვოკატი;
- 3.1.3 უზრუნველყოს სტუდენტები გაცნობითი და საკონტაქტო შეხვედრებით;
- 3.1.4 ზედამხედველი ადვოკატის უშუალო ხელმძღვანელობით ჩართოს სტუდენტი რეალური შემთხვევის განხილვა/ანალიზის პროცესში;
- 3.1.5 სემესტრის განმავლობაში მინიმუმ ერთხელ წარგზავნოს სტუდენტი ადმინისტრაციულ და სასამართლო ორგანოში წარმომადგენლად/დამკვირვებლად;
- 3.1.6 უზრუნველყოს ზედამხედველი ადვოკატების მიერ სტუდენტებისთვის გამოცდილების გაზიარება;
- 3.1.7 უზრუნველყოს მოქალაქეთა კონსულტაციებში სტუდენტების მონაწილეობის მიღება;
- 3.1.8 ადვოკატის დავალებით და ზედამხედველობით უზრუნველყოს სტუდენტების მიერ იურიდიული დოკუმენტაციის შედგენის სწავლება;
- 3.1.9 ნება დართოს უნივერსიტეტის წარმომადგენელს (სამართლის კლინიკას) დაესწროს წინამდებარე ხელშეკრულებით განსაზღვრული ვალდებულებების შესრულების პროცესს.

3.2. „უნივერსიტეტი“ ვალდებულია:

- 3.2.1. სასწავლო სემესტრის დაწყებისას მიაწოდოს იურიდიულ კლინიკას - „ჩემი ადვოკატი“ სტუდენტების სია და მათი საკონტაქტო ინფორმაცია;
- 3.2.2. დროულად მოახდინოს იურიდიულ კლინიკა „ჩემი ადვოკატი“-ს ინფორმირება სტუდენტის შეფასების წესის ან/და სილაბუსის ცვლილების შემთხვევაში.
- 3.2.3. აანაზღაუროს მომსახურების ღირებულება ხელშეკრულებით დადგენილი წესის შესაბამისად.

- 3.3. ხელშეკრულების თითოეულ მხარეს უფლება აქვს მოსთხოვოს მეორე მხარეს წინამდებარე ხელშეკრულებიდან და მოქმედი კანონმდებლობიდან გამომდინარე ვალდებულებათა კეთილსინდისიერი და ჯეროვანი შესრულება.

4. ხელშეკრულების შეწყვეტა

- 4.1 „უნივერსიტეტი“ უფლებამოსილია ცალმხრივად შეწყვიტოს ხელშეკრულება იურიდიული კლინიკა „ჩემი ადვოკატი“-ს მიერ ნაკისრი ვალდებულებების შესრულების დაუსაბუთებლად გაჭიანურების ან არაჯეროვანი შესრულების შემთხვევაში;
- 4.2 იურიდიული კლინიკა „ჩემი ადვოკატი“ უფლებამოსილია ცალმხრივად შეწყვიტოს ხელშეკრულება „უნივერსიტეტი“-ს მიერ ამ ხელშეკრულების 5.1 ან/და 5.2 ნაკისრი ვალდებულებების შეუსრულებლობის შემთხვევაში.


5. მომსახურების ღირებულება და ანგარიშსწორების წესი

- 5.1 წინამდებარე ხელშეკრულებით გათვალისწინებული მომსახურების ღირებულება შეადგენს 120 ლარს ერთ სტუდენტზე, კანონმდებლობით გათვალისწინებული გადასახადების ჩათვლით.
- 5.2 ანგარიშსწორება განხორციელდება სტუდენტთა რაოდენობის მიხედვით, ყოველი თვის ბოლოს სასწავლო სემესტრის დასრულებიდან არაუგვიანეს 4 სამუშაო დღისა.
- 5.3 ანგარიშსწორების ფორმა არის უნაღდო.

6. დასკვნითი დებულებები

- 5.4 წინამდებარე ხელშეკრულება გაფორმებულია ორი თანაბარი იურიდიული ძალის მქონე ეგზემპლარად.
- 5.5 წინამდებარე ხელშეკრულებით გათვალისწინებულ მიღება-ჩაბარების აქტს „უნივერსიტეტის“ მხრიდან ხელს აწერს უნივერსიტეტის პრორექტორი.
- 5.6 წინამდებარე ხელშეკრულებაში ცვლილებები და დამატებები შეიძლება შეტანილ იქნეს მხარეთა შორის წერილობითი შეთანხმების საფუძველზე.

მხარეთა რეკვიზიტები

შპს „თბილისის ჰუმანიტარული სასწავლო უნივერსიტეტი“ საიდენტიფიკაციო კოდი: 206046345 ქ.თბილისი, ბერი გაბრიელ სალოსის გამზ. N31  პრორექტორი კახი ყურაშვილი	ააიპ „სამართლებრივი დახმარებისა და საზოგადოებრივი ჩართულობის მუნიციპალური ცენტრი“ საიდენტიფიკაციო კოდი: 205291771 ქ.თბილისი, შარტავას ქ. N 7 სახელმწიფო ხაზინა: კოდი: 741907499  დირექტორი: მარინა ბერაძე
--	--

ს ი ლ ა ბ უ ს ი

სამართლის კლინიკა

შპს. თბილისის ჰუმანიტარული სასწავლო უნივერსიტეტი 2016 წ.

კრედიტების რაოდენობა 10 ECTS

კურსის სტატუსი: სავალდებულო/საბაკალავრო და სამაგისტრო პროგრამის ბოლო სემესტრის სტუდენტებისთვის

აღწერა:

სამართლის კლინიკა წარმოადგენს ა(ა)იპ „სამართლებრივი დახმარებისა და საზოგადოებრივი ჩართულობის მუნიციპალური ცენტრი“ პროგრამის ფარგლებში არსებულ საადვოკატო პრაქტიკას, რომელიც გულისხმობს მაგისტრანტების განაწილებას იურიდიული დახმარების მომსახურების ოფისებში და შემდეგ აქტივობებს ზედამხედველი ადვოკატის მეთვალყურეობის ქვეშ:

- სამართლებრივი კონსულტაციების გაცემას;
- სამართლებრივი ხასიათის დოკუმენტების შედგენას;
- ადმინისტრაციულ ორგანოებსა და სასამართლოში წარმომადგენლობის განხორციელებას;
- შესაბამის ადმინისტრირებას (კონსულტაციების აღრიცხვა, სტატისტიკის მომზადება და შესასრულებელი სამუშაოს შესახებ ანგარიშის წარდგენა)

მიზანი:

კურსის მიზანია სამაგისტრო პროგრამის სტუდენტს მისცეს საშუალება კერძოდ: სამოქალაქო და ადმინისტრაციულ სამართალში მიღებული თეორიული ცოდნა გამოიყენოს პრაქტიკაში; სტუდენტს გამოუმუშაოს სამართლებრივი პრობლემების დამოუკიდებლად გადაჭრისა, პასუხისმგებლობის გაზიარებისა და ადმინისტრირების უნარი. დამოუკიდებელი მუშაობის ფარგლებში სტუდენტი განახორციელებს სამართლებრივი ბაზისა და სასამართლო პრაქტიკის მოძიებასა და ანალიზს.

შედეგები:

ცოდნის პრაქტიკაში გამოყენების უნარი.

კურსის დასრულების შემდეგ სტუდენტს ექნება:

- კერძო და საჯარო სამართლებრივი პრობლემების კომპლექსური შეფასების უნარი;
- შეძენილი გამოცდილების საფუძველზე იურიდიული დოკუმენტების შედგენის უნარი;
- კერძო და საჯარო სამართლებრივი პრობლემების გადაწყვეტის ორიგინალური გზების შემუშავების უნარი.

დასკვნის უნარი

კურსის დასრულების შემდეგ სტუდენტს ექნება:

- საჯარო და კერძო სამართლის სასამართლო პრაქტიკის გაანალიზების უნარი;
- ახალი საკანონმდებლო მოწესრიგების პირობებში ცვლილებების გაცნობიერებისა და ანალიზის უნარი;
- უნარი მოიძიოს მეცნიერული მიდგომები სამართლებრივი პრობლემის მრავალმხრივი ხედვისთვის და კონკრეტული გადაჭრის გზის შესამუშავებლად.

კომუნიკაციის უნარი

კურსის დასრულების შემდეგ სტუდენტს ექნება:

- ზეპირი და წერილობითი ფორმით კონკრეტულ საკითხზე საკუთარი სამართლებრივი დასკვნის და შერჩეული მიდგომის არგუმენტებისთვის სათანადო კომუნიკაციის უნარი;
- დამოუკიდებლად კლიენტთან კონსულტაციის უნარი;
- სხვადასხვა რესურსებიდან პრობლემის გადაჭრისთვის საჭირო მასალის მოძიების უნარი.
- სწავლის შედეგების მიღწევის მეთოდები:
- ინდუქცია, დედუქცია, ანალიზი და სინთეზი;
- სიახლეთა გარჩევა;
- პრაქტიკული მუშაობა;
- გუნდური მუშაობა;

- შემთხვევის შესწავლა და ანალიზი (Case Study);
- შესაბამისი მასალის მოძიება ელექტრონულ ფორმატში და ბიბლიოთეკაში;


საათობრივი დატვირთვა: სულ 250 საათი

- ✓ საკონტაქტო – 30 საათი
- ✓ (სამართლებრივი მომსახურების გაწევა – 100 საათი;
- ✓ სამართლებრივ –პრაქტიკული საკითხების განზოგადება ზედამხედველ ადვოკატთან შეხვედრისას) - 45 საათი;
- ✓ დამოუკიდებელი პრაქტიკული სამუშაო - 75 საათი;

ცოდნის შეფასების სისტემა და კრიტერიუმები:

კომპონენტი 100 ქულიანია და ფასდება შემდეგი კრიტერიუმებით:

1. დასწრება 10 ქულა
2. პროცესი 20 ქულა
3. კონსულტაციები 40 ქულა
 - 15 ქულა - რაოდენობა
 - 25 ქულა - ხარისხი
4. სამართლებრივი დოკუმენტის შედგენა 30 ქულა
 - 10 ქულა - რაოდენობა
 - 20 ქულა - ხარისხი



მ. გიგიაშვილი